

增批
歸方評點
史記

同文圖書館
印行

水滸

傳

方

年

照

史

記

卷

之

一

淮陰侯列傳第三十二

史記九十二

淮陰侯韓信者。淮陰人也。始爲布衣時。貧無行。不得
推擇爲吏。又不能治生商賈。常從人寄食。飲人多厭
之者。常數從其下鄉南昌亭長寄食。數月。亭長妻患
之。乃晨炊蓐食。食時信往。不爲具食。信亦知其意。怒
竟絕去。信釣於城下。諸母漂有一母見信饑。飯信。竟
漂數十日。信喜。謂漂母曰。吾必有以重報母。母怒曰。
大丈夫不能自食。吾哀王孫而進食。豈望報乎。淮陰
屠中少年有侮信者。曰。若雖長大。好帶刀劍。中情怯。
百衆辱之。曰。信能死。刺我不能死。出我袴下。於是信
孰視之。俛出袴下。蒲伏。一市人皆笑信。以爲怯。及項

梁渡淮。信杖劍從之。居戲下。無所知名。項梁敗。又屬
項羽。羽以爲郎中。數以策干項羽。羽不用。漢王之入
蜀。信亡楚歸漢。未得知名。爲連敖。坐法當斬。其輩十
三人皆已斬。次至信。信乃仰視。適見滕公。曰。上不欲
就天下平。何爲斬壯士。滕公奇其言。壯其貌。釋而不
斬。與語。大說之。言於上。上拜以爲治粟都尉。上未之
奇也。信數與蕭何語。何奇之。至南鄭。諸將行道亡者
數十人。信度何等已數言上。上不我用。卽亡。何間信
亡。不及以聞。自追之。人有言上曰。丞相何亡。上大怒。
如失左右手。居一二日。何來謁上。上且怒且喜。罵何
曰。若亡何也。何曰。臣不敢亡也。臣追亡者。上曰。若所

孫鑛曰胡挂
波瀾情壯死

追者誰何曰韓信也。上復罵曰：諸將亡者以十數，公無所追，追信詐也。何曰：諸將易得耳，至如信者，國士無雙。王必欲長王漢中，無所事，信必欲爭天下，非信無所與計事者。顧王策安所決耳。王曰：吾亦欲東耳，安能鬱鬱久居此乎。何曰：王計必欲東，能用信，信即留，不能用，信終亡耳。王曰：吾爲公以爲將，何曰：雖爲將，信必不留。王曰：以爲大將，何曰：幸甚。於是王欲召信拜之。何曰：王素慢無禮，今拜大將，如呼小兒耳。此乃信所以去也。王必欲拜之，擇良日，齋戒，設壇場，具禮，乃可耳。王許之。諸將皆喜，人人各自以爲得大將。至拜大將，乃韓信也。一軍皆驚，信拜禮畢，上坐。王曰：

董份曰啗啞
二句形容項
王始見

鍾惺曰匹夫
之勇婦人之
仁合說一人
自是學問中
高識語

丞相數言將軍將軍何以教寡人計策信謝因問王曰今東鄉爭權天下豈非項王耶漢王曰然曰大王自料勇悍仁彊孰與項王漢王默然良久曰不如也信再拜賀曰唯信亦為大王不如也然臣嘗事之請言項王之為人也項王啗啞叱咤千人皆廢然不能任屬賢將此特匹夫之勇耳項王見人恭敬慈愛言語嘔嘔人有疾病涕泣分食飲至使人有功當封爵者印剗弊忍不能予此所謂婦人之仁也項王雖霸天下而臣諸侯不居關中而都彭城有背義帝之約而以親愛王諸侯不平諸侯之見項王遷逐義帝置江南亦皆歸逐其主而自立善地項王所過無不殘

茅坤曰論漢
王項王兩人
得失處甚確

滅者。天下多怨。百姓不親附。特劫於威彊耳。名雖爲
霸。實失天下心。故曰。其彊易弱。今大王誠能反其道。
任天下武勇。何所不誅。以天下城邑封功臣。何所不
服。以義兵從。思東歸之士。何所不散。且三秦王爲秦
將。將秦子弟數歲矣。所殺不可勝計。又欺其衆降
諸侯。至新安。項王詐阬秦降卒二十餘萬。唯獨邯欣
翳得脫。秦父兄怨此三人。痛入骨髓。今楚彊以威王
此三人。秦民莫愛也。大王之入武關。秋豪無所害。除
秦苛法。與秦民約法三章耳。秦民無不欲得大王。王
秦者。於諸侯之約。大王當王關中。關中民咸知之。大
王失職入漢中。秦民無不恨者。今大王舉而東。三秦

可傳檄而定也。於是漢王大喜，自以爲得信晚，遂聽信計。部署諸將所擊。八月，漢王舉兵東出陳倉，定三秦。漢二年，出關收魏、河南、韓、殷、王皆降，合齊、趙共擊楚。四月，至彭城，漢兵敗散而還。信復收兵與漢王會滎陽，復擊破楚京索之間，以故楚兵卒不能西。漢之敗卻彭城，塞王欣翟王翳亡，漢降楚。齊、趙亦反漢，與楚和。六月，魏王豹謁歸視親疾，至國，卽絕河關，反漢。與楚約和。漢王使酈生說豹不下，其八月，以信爲左丞相，擊魏。魏王盛兵蒲坂，塞臨晉，信乃益爲疑兵，陳船欲度臨晉，而伏兵從夏陽，以木罌瓠渡軍，襲安邑。魏王豹驚，引兵迎信，信遂虜豹，定魏爲河東郡。漢王

茅坤曰廣武之策絕工而信却能反其策以為工

遣張耳與信俱引兵東北擊趙代。後九月，破代兵，禽夏說，闕與。信之下魏，破代。漢輒使人收其精兵，詣滎陽，以距楚。信與張耳以兵數萬，欲東下井陘，擊趙。趙王成安君陳餘聞漢且襲之也，聚兵井陘口，號稱二十萬。廣武君李左車說成安君曰：「聞漢將韓信涉西河，虜魏王，禽夏說，新喋血闕與。今乃輔以張耳，議欲下趙，此乘勝而去國遠鬪，其鋒不可當。臣聞千里餽糧，士有飢色；樵蘇後爨，師不宿飽。今井陘之道，車不得方軌，騎不得成列，行數百里，其勢糧食必在其後。願足下假臣奇兵三萬人，從閒路絕其輜重，足下深溝高壘，堅營勿與戰。彼前不得鬪，退不得還，吾奇兵

絕其後。使野無所掠。不至十日。而兩將之頭。可致於戲下。願君留意臣之計。否必爲二子所禽矣。成安君儒者也。常稱義兵。不用詐謀奇計。曰。吾聞兵法十則圍之。倍則戰。今韓信兵號數萬。其實不過數千。能千里而襲我。亦已罷極。今如此避而不擊。後有大者。何以加之。則諸侯謂吾怯。而輕來伐我。不聽廣武君策。廣武君策不用。韓信使人閒視。知其不用。還報則大喜。乃敢引兵遂下。未至井陘口三十里。止舍。夜半傳發。選輕騎二千人。人持一赤幟。從閒道葦山而望趙軍。誠曰。趙見我走。必空壁逐我。若疾入趙壁。拔趙幟。立漢赤幟。令其裨將傳餐曰。今日破趙會食。諸將皆

唐順之曰摹
寫信戰井陘
情狀殆盡

莫信。詳應曰諾。謂軍吏曰。趙已先據便地爲壁。且彼未見吾大將旗鼓。未肯擊前行。恐吾至阻險而還。信乃使萬人先行出背水陳。趙軍望見而大笑。平旦。信建大將之旗鼓。鼓行出井陘口。趙開壁擊之。大戰良久。於是信張耳詳奔鼓旗。走水上軍。水上軍開入之。復疾戰。趙果空壁爭漢鼓旗。逐韓信張耳。韓信張耳已入水上軍。軍皆殊死戰。不可敗。信所出奇兵二千騎。其候趙空壁逐利。則馳入趙壁。皆拔趙旗。立漢赤幟二千。趙軍已不勝。不能得信等。欲還歸壁。壁皆漢赤幟。而大驚。以爲漢皆已得趙王將矣。兵遂亂遁走。趙將雖斬之。不能禁也。於是漢兵夾擊。大破虜趙軍。

陳仁錫曰此語不善用有置之死地而死者有置之死地而走者

斬成安君泚水上。禽趙王歇。信乃令軍中毋殺廣武君。有能生得者購千金。於是有縛廣武君而致戲下者。信乃解其縛。東鄉坐。西鄉對。師事之。諸將效首虜休。畢賀。因問信曰。兵法右倍山陵。前左水澤。今者將軍令臣等反背水。陳曰。破趙會食。臣等不服。然竟以勝。此何術也。信曰。此在兵法。顧諸君不察耳。兵法不曰。陷之死地而後生。置之亾地而後存。且信非得素拊循士大夫也。此所謂驅市人而戰之。其勢非置之死地。使人人自為戰。今予之生地。皆走。寧尙可得而用之乎。諸將皆服曰。善。非臣所及也。於是信問廣武君曰。僕欲北攻燕。東伐齊。何若而有功。廣武君辭謝。

陳仁錫曰信
得廣武君而
心益虛兵益
精

茅坤曰此中
真景惟信與
廣武君知之
諸將不知也

曰臣聞敗軍之將不可以言勇。亡國之大夫不可以
圖存。今臣敗亡之虜，何足以權大事乎？信曰：僕聞之
百里奚居虞而虞亡，在秦而秦霸，非愚於虞而智於
秦也。用與不用，聽與不聽也。誠令成安君聽足下計，
若信者亦已為禽矣。以不用足下，故信得侍耳。因固
問曰：僕委心歸計，願足下勿辭。廣武君曰：臣聞智者
于慮必有一失，愚者于慮必有一得。故曰：狂夫之言，
聖人擇焉。顧恐臣計未必足用，願效愚忠。夫成安君
有百戰百勝之計，一旦而失之，軍敗鄙下，身死泝上。
今將軍涉西河，虜魏王，禽夏說，闕與一舉而下井陘，
不終朝破趙二十萬眾，誅成安君，名聞海內，威震天

陳仁錫曰誰
肯言信短者
非師而何

下農夫莫不輟耕釋耒。褸衣甘食。傾耳以待命者。若
此將軍之所長也。然而眾勞卒罷。其實難用。今將軍
欲舉倦弊之兵。頓之燕堅城之下。欲戰。恐久力不能
拔。情見勢屈。曠日糧竭。而弱燕不服。齊必距境以自
彊也。燕齊相持而不下。則劉項之權未有所分也。若
此者。將軍所短也。臣愚竊以爲亦過矣。故善用兵者
不以短擊長。而以長擊短。韓信曰。然則何由。廣武君
對曰。方今爲將軍計。莫如案甲休兵。鎮趙撫其孤。百
里之內。牛酒日至。以饗士大夫。驛兵北首燕路。而後
遣辯士奉咫尺之書。暴其所長於燕。燕必不敢不聽。
從燕已從。使誼言者東告齊。齊必從風而服。雖有智

孫鑼曰。審武
後不知何往。

者亦不知爲齊計矣。如是則天下事皆可圖也。兵固
有先聲而後實者。此之謂也。韓信曰。善從其策。發使
使燕。燕從風而靡。乃遣使報漢。因請立張耳爲趙王。
以鎮撫其國。漢王許之。乃立張耳爲趙王。楚數使奇
兵渡河擊趙。趙王耳。韓信往來救趙。因行定趙城邑。
發兵詣漢。楚方急圍漢王於滎陽。漢王南出之宛。葉
閒得黥布。走入成皋。楚又復急圍之。六月。漢王出成
皋。東渡河。獨與滕公俱從。張耳軍脩武。至宿傳舍。晨
自稱漢使。馳入趙壁。張耳。韓信未起。卽其臥內。上奪
其印符。以麾召諸將。易置之。信耳起。乃知漢王來。大
驚。漢王奪兩人軍。卽令張耳備守趙地。拜韓信爲相。

陳仁錫曰淮
陰氏舉失一
擲生知其不
振矣

國收趙兵未發者擊齊。信引兵東，未渡平原，聞漢王使酈食其已說下齊。韓信欲止。范陽辯士蒯通說信曰：將軍受詔擊齊，而漢獨發閒使下齊，寧有詔止將軍乎？何以得毋行也！且酈生一士，伏軾掉三寸之舌，下齊七十餘城，將軍將數萬眾，歲餘乃下趙五十餘城，為將數歲，反不如一豎儒之功乎？於是信然之，從其計，遂渡河。齊已聽酈生，即畱縱酒，罷備漢守禦。信因襲齊，歷下軍，遂至臨菑。齊王田廣以酈生賣已，乃亨之，而去高密。使使之楚請救。韓信已定臨菑，遂東追廣至高密西。楚亦使龍且將，號稱二十萬救齊。齊王廣龍且并軍與信戰，未合，人或說龍且曰：漢兵遠

茅坤曰此策亦工與前廣武相似

鬪窮戰其鋒不可當。齊楚自居其地戰，兵易敗散。不如深壁，令齊王使其信臣招所亾城，亾城聞其王在，楚來救，必反漢。漢兵二千里客居，齊城皆反之。其勢無所得食，可無戰而降也。龍且曰：吾平生知韓信爲人，易與耳。且夫救齊，不戰而降之，吾何功？今戰而勝之，齊之半可得，何爲止？遂戰，與信夾濰水陳。韓信乃夜令人爲萬餘囊，滿盛沙，壅水上流，引軍半渡，擊龍且，詳不勝，還走。龍且果喜曰：固知信怯也。遂追信，渡水，信使人決壅囊，水大至，龍且軍大半不得渡，卽急擊殺龍且。龍且水東軍散走，齊王廣亾去。信遂追北至城陽，皆虜楚卒。漢四年，遂皆降平齊，使人言漢王